

PSALM 145



Ek wil u lof ge - trou ver - kon-dig, Heer,
dit uit - dra o - ral, al - tyd, meer en meer.
'n Lof-lied kom U toe van dag tot dag
van elk-een, van ge-slag tot ver ge - slag.

2.

**My Koning, U is ondeurgrondelik;
u Naam is groot, u maaksels wonderlik.
U werk is magtig, magtig is u daad.
Die mense moet dit hoor
en daarvan praat.**

3.

**Ek wil getuig van *al u majesteit,*
*u luisterrykheid en u heerlikheid.***

**U *grootheid* moet ek
aan die mense stel
sodat hul sonder ophou dit vertel.**

4.

U is genadig en vir almal goed.

Dit is u grote liefde wat ons voed.

***U is oor al u maakself steeds begaan,
want almal, alles het uit U ontstaan.***

5.

**Ons *almal* as u *skepsels* loof u mag;
u *troue* dienaars *prys* u *grote* krag.**

**Ons *noem* u *koningskap*
met diep ontsag,
u *heerskappy* geslag
steeds na geslag.**

6.

**Dié wat geval het,
kan weer op Hom leun.**

Hy sal dié wat bedruk is, ondersteun.

**Wie honger is,
dié word deur Hom gevoed.**

Sy hand is oop, vir almal is Hy goed.

7.

**In *alles* wat Hy *doen*, is Hy *getrou*.
Geregtigheid word
deur Hom *onderhou*.
Hy is *regverdig* in sy *handeling*.
Laat ons 'n *loflied*
oor sy *grootheid* sing.**

8.

*Hy sal in sy genade hulle sien
wat voor Hom buig
en Hom met liefde dien,
maar dié wat goddeloos is,
gaan tot niet;
verdelging word deur Hom
oor hul gebied.*

9.

**Ek sal die lof verkondig van die Heer,
dit *uitdra*, altyd, *oral*, keer op keer.**

**Laat *al* wat leef Hom *prys*
en almal saam
sing *van sy heilige* en grote Naam.**